



Broj: 22-04-44-1-56/18
Sarajevo, 26.02.2018. godine

Na osnovu dobijenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i članom 24. Pravilnika o organizovanju i funkcionisanju operativnih centara civilne zaštite („Službene novine Federacije BiH“, broj 8/07) dostavljamo Vam:

REDOVNI IZVJEŠTAJ
za period od 08:00 sati 23.02.2018. do 08:00 sati 26.02.2018. godine

U izvještajnom periodu zabilježene su dvije uspješne akcije Gorske službe spašavanja Kantonalne uprave civilne zaštite:

U subotu, 24.02.2018. godine, u 13:26 sati, Operativni centar Kantonalne uprave civilne zaštite Kantona Sarajevo primio je informaciju, od pripadnika Gorske službe spašavanja, da su oni dobili poziv za pomoć, od jedne muške osobe koja je na lokalitetu Javornik, na planini Igman, ostala zarobljena u snijegu, a zbog iscrpljenosti, podhladenosti i grčeva nije u stanju da se samostalno kreće. Dežurni u Kantonalnom operativnom centru civilne zaštite odmah je obavijestio direktora Kantonalne uprave civilne zaštite i njegovog pomoćnika za mjere zaštite i spašavanja. Po nalogu direktora Kantonalne uprave civilne zaštite, u skladu sa propisanim procedurama, informacija je prosljeđena Gorskoj službi spašavanja Kantonalne uprave civilne zaštite koja je formirana u okviru Gorske službe spašavanja, stanice Sarajevo, čije su dvije ekipe, sa 25 spasilaca sa motornim sankama i terenskim vozilima, krenule prema lokalitetu gdje se nalazila unesrećena osoba. Ekipe Gorske službe spašavanja su oko 15:00 sati stigle do gore navedene osobe, nakon čega je počela akcija spašavanja. Unesrećeni mladić nije bio u stanju da se samostalno kreće pa je njegovo spašavanje znatno bilo otežano i usporeno. Oko 19:50 sati akcija spašavanja je završena, a unesrećeni mladić je izvučen na sigurno, te je predat službi Hitne pomoći.

Jučer, 25.02.2018. godine, u 12:00 sati, Operativni centar Kantonalne uprave civilne zaštite Kantona Sarajevo primio je poziv od građanina koji je na planini Bjelašnici izgubio orijentaciju i ne može se sam spustiti niz padinu. Građanin je naveo da je, na lokaciji gdje se on nalazi (vrh Bjelašnice), magla izuzetno gusta i puše jak vjetar, zbog čega on ne može naći stazu. Informacija je prosljeđena Gorskoj službi spašavanja Kantonalne uprave civilne zaštite, čiji pripadnici su ubrzo krenuli prema lokaciji i pronašli unesrećenog. Akcija je završena u 13:15 sati, povratkom pripadnika GSS-a sa unesrećenim u bazu na Bjelašnici.

Profesionalna vatrogasna jedinica Kantonalne uprave civilne zaštite Kantona Sarajevo: U izvještajnom periodu pripadnici Profesionalne vatrogasne jedinice imali su 14 (četnaest) manjih požarnih intervencija, i to: 10 (deset) na gašenju dimnjaka na stambenim objektima, 3 (tri) na gašenju kontejnera sa smećem i jednu na gašenju stare napuštene kuće. Pored toga, PVJ je imala 4 (četiri) intervencije na obezbjeđenju javnih događaja, kao i jednu tehničku intervenciju.

Napomena: Profesionalna vatrogasna jedinica je u toku prethodna 24 sata imala 4 (četiri) požarne intervencije, od čega tri na gašenju dimnjaka na stambenim objektima, jednu na gašenju kontejnera sa smećem. U istom periodu PVJ je imala i dvije intervencije na obezbjeđenju javnih događaja.

Federalni hidrometeorološki zavod: Jutros u 08:00 sati temperatura u Sarajevu je iznosila -8°C, vlažnost zraka 64%, a barometarski pritisak 935 hPa.

BIHAMK: Saobraćaj se na području Kantona Sarajevo odvija bez većih poteškoća. Na dionicama gdje se izvode planirani radovi saobraćaj se odvija po posebnom režimu.

PO OVLAŠTENJU DIREKTORA
ŠEF CENTRA
Fahrudin Pribišić

Dostavljeno:

- Premijeru Kantona Sarajevo
- Direktor KUCZ Kantona Sarajevo
- Komandantu i članovima Štaba CZ Kantona Sarajevo
- F OC
- a/a



web: <http://kucz.ks.gov.ba>; e-mail: oc@kucz.ks.gov.ba
Tel: + 387 (0) 33 121, + 387 (0) 33 556-670; Fax: + 387 (0) 33 566-671
Sarajevo, Reisa Džemaludina Čauševića 1